



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一一七

尺五堂詩刪初刻六卷尺五堂詩刪近刻四卷 嚴我斯撰

一

漣漪堂遺稿三卷（文一卷詩一卷理言一卷） 沈峻曾撰

一二九

見山樓詩集一卷見山樓文集一卷 楊素蘊撰

二二一

三魚堂文集十二卷附錄一卷三魚堂外集六卷附錄一卷 陸隴其撰

三三一

康熙戊辰年刊

茗上嚴存菴著

尺五堂詩刪

本衙藏板

初刻舊序

夫詩以言志發舒性情故作者代興論述不一要之協於三百之義斯爲正耳昔元微之推尊杜子美以爲薄風雅而該沈宋奪蘇李而吞曹劉掩顏謝而雜徐庾盡得古今之體勢兼昔人之所獨專要之子美之詩非取古人一一摹之而包括無遺者性情不詭於正也或者乃以爲雕績之具應酬之資又或以枯寂爲尚僻艷爲奇中晚以後波靡斯極矣宋儒研精理學不專爲此明自空同諸家外指不多屈詩豈易言哉余向者讀詩數年其於海內賢人君子咏歌之言汗牛充棟句櫛而字比之出丹鉛以問世數年來

尺五堂詩刪

舊序

兼有古人之長而不必拘拘學古人者也卽以詩觀就思而就思之所學亦可見矣桃花將放蕙草初生一葉扁舟將過里門而舞萊衣於其行也先爲之序其詩康熙丙午春正月栢鄉魏裔介題於京邸之素心齋

憶自甲辰寄廡都門去栢鄉夫子邸舍僅數十武日夕過從晰疑問字酌酒賦詩每至夜分此序作於丙午春已二十有四年矣撫今追昔木壞山頽感慨交集因錄之卷端以志勿忘云我斯謹識

尺五堂詩刪

舊序
二

初刻自序

予自束髮受書卽喜吟咏操觚染翰矢口烏烏然輒自悔其少作殘編斷什隨手散去故甲辰以前槩置不錄今冬偶簡篋中所積復芟去十之二三得古律詩共若干首輯成作而嘆曰詩豈易言哉春女思而秋士悲倉庚鳴而蜻蛉吟天地自然之音不可強也今之言詩者斤斤焉鉤繩規矩句摹字揣之曰某漢魏某三唐不知必爲漢魏者失在必爲漢魏也必爲三唐者失在必爲三唐也必不爲漢魏三唐者失又在必不爲漢魏三唐也何則詩人之旨本乎性情緣乎境遇而音之大小體之正變因之於是廟堂之詩

尺五堂詩刪

自序

取其肅以離山林之詩取其深以遠閭幃之詩取其麗以則交游贈答之詩取其溫以遠羈旅哀悼之詩取其婉至以悠長作者輩出各有擅場夫以一人之心力而欲兼數家之長誠憂乎難之矣古之善畫者當其解衣旁薄意在筆先神周象外然後淋漓點染無不如意夫詩亦然矣陶鑄古今錯綜萬化觸物造端匠心獨運故有時而漢魏有時而三唐有時而漢魏三唐不知爲漢魏三唐有時不爲漢魏三唐而無不知爲漢魏三唐要皆本乎自然發爲篇章以成一家言者庶可無愧于風雅之林也已憶在京邸酒闌燈地與二三同志論詩如此因書其梗槩俟夫深於

詩者訂正焉
康熙十五年季冬歲我斯書於一研齋

尺五堂詩刪

自序

尺五堂詩刪初刻總目

卷一

古今體詩一百七首

卷二

古今體詩一百三首

卷三

古今體詩八十六首

卷四

古今體詩一百十首

卷五

古今體詩八十七首

尺五堂詩刪

目次

卷六

古今體詩八十六首

自甲辰起至丙辰止

尺五堂詩刪初刻卷之一

君上嚴我斯存菴著

甲辰傳臚日記恩

旭日景恩霽色開鴻臚聲徹殿頭來香飄御案初承
詔酒賜天厨正舉杯綵仗氤氳喧鳳吹康衢蹀躞走
龍媒自慚拜獻無長策敢忘經生舊草萊

三月二十七日

恩榮宴恭紀家君是日初度

五色晴雲擁帝畿春官列譙敵恩暉九霄湛露當筵
落萬戶花香繞座飛正喜櫻桃蒙聖澤卻教葵藿
憶親闈曲江酒罷情何限極目南天望翠微

國子監釋奠恭賦

尺五堂詩刪

卷之一

朱甍碧殿迥嵯峨檜栢森森隱玉珂委珮庭前陳俎
豆環橋門外擁絃歌恩叨醉酒丹霄上座想橫經翠
輦過大司成置酒堂東偏各獻酬三爵以堂中會駕臨故也聞說太平崇禮樂
祗今薄海盡投戈

四月初二日

賜袍帽靴帶等物恭紀予是日生

聖代文明會金門日月邊銅池雙闕迥仙仗五雲連
禁柳鶯啼曉宮花露氣鮮鵲頭蟠麗景雉尾拂晴烟
冀英舒雙葉薰風動五絃開門歌穆穆多士盡翩翩
敢受空羣賞漢慚累百先頒衣披舜日舉首戴堯天
曳履胥霄上垂紳帝座懸光華昭黼黻奎壁動星
躔鵷序朝班肅鴻臚闕下宣山呼仍草野冠佩凜周

旋拜嘉膏今日懸孤憶昔年為儒懷楚璧束髮賦甘
泉服古箕裘近家君中興兩朝車著述高隱傳家忠孝全高祖漢先大夫烈祖居巢艱難思繼緒海內荷陶甄曲學孫
弘陋譚經董相賢致身師往哲用世有遺編報切劬
勞念情淡天休篇君恩同罔極拜手聖人前

修吉堂

賜書恭紀

先皇垂衣十八載雍雍文治薄四海虎觀橫經雅好
賢館閣隆文今不改峨峨丹禁玉為堂錦軸牙籤出
上方長跪蒙恩欲感涕受書撫卷心傍徨不材少小
疎章句十三學誦靈光賦小技雕蟲愧壯夫十年獻
策公車誤忽叨榮寵列清班珥筆長趨霄漢間欲報

尺五堂詩刪

卷之一

昇平無寸補依舊芸窗閉風雨高槐清署影蕭疎彷彿
圖書楊子居朝來騎馬沙堤路滿地黃花晝讀書
送吳長庚奉使安南

新傳錦詔鳳池頭玉殿詞臣萬里遊一代文章驚絕
域九重雨露出皇州龍門江迥濤聲落銅柱天高海
氣浮此去日南知漢大兩階干羽頌懷柔

同長庚金魚

別

佳日帝城東遂進馬蹄疎柳外人影落花中
翠管連雲響水紅相看萬里別莫遣酒杯空

入署

大隱金門客東方舊有名玉河晴試馬水署早聞鶯

材拙官宜冷心閒句自清御溝垂柳動不禁故園情
吳卧山同館以扇屬書題贈

聞道瀛洲最少年曲江風度自翩翩青絲曉騎千門
迴斑管春雲五色妍歸院鶯啼鸞禁柳趨朝香染鳳
池蓮同君緩步叨陪從不羨乘槎到日邊

署中槐樹歌

玉河佳氣環清署高槐亭亭十餘樹枝幹扶蘇老歲
年廣庭四映遮烟霧我來日夕吟清風虛堂翠影蟠
虬龍繁柯盛夏白日駐疎簾密蔭橫青蔥有時颯沓
生秋響曠懷忽作空山想酒盞中宵醉月明詩篇晝
日停雲朗俛仰人間多變遷風流模楷憶當年摩挲

尺五堂詩刪

老樹空突兀歲時不改風霜色槐手槐手爾非不材
之木枝葉良盤根幸得遠道傍區區不受斤斧戕我
行與汝凌空蒼餐風吸露足徜徉

寄懷顯亭家叔

挾策辭家賦帝京春風睽隔故園情竹林揮手思晨
夕藜閣分燈有弟兄南苑自來多彩翰東山寧不念
蒼生何時尊酒長安道蘭桂庭前對月明

秋夜宿準提菴

車馬紛紜地尋幽到梵宮一聞孤磬響如入萬山空
落月驚棲鳥殘花隱砌蛩勞生方信宿歌枕意何窮
秋日過陳謝浮同館新居

鳳城秋色曉蒼蒼小院初聞荀令香薄宦移家渾不
定清尊對客坐相忘人依綠樹調鸚鵡節近黃花剩
驪驕最喜過從纔咫尺可無佳興賦長楊

寄徐方虎

十載交遊古道存風塵去住老乾坤清溪夢繞南州
榻燕市晴開北海尊自有心期耽白水不求聞達厭
朱門知君獨擅凌雲賦大業千秋許共論

送車雲崖同年假歸

客中難送客把袂況如君水署同攜酒清宵憶論文
鄉心千里月行李一江雲回首青門路征鴻不可聞
放生池

尺五堂詩刪

十里城南寺蕭然靜掩扉客來魚自躍花落鳥忘機
曲水明孤嶼虛堂下夕暉祇憐肉食者擾擾自輕肥
夢登峴山得月落萬峰青句因成一絕

乙巳元旦

上御太和殿 賜宴恭紀

條風開紫禁 帝德應青陽劒佩趨雙闕車書徧八
荒彤墀佳氣繞仙掌曙雲翔珠斗輝開闔宮花發建
章龍驪新風曆虎拜肅鵠行共仰 天顏近時聞
御座香千官同燕喜一德頌明良朝罷鳴鞭靜傳呼
翠幄張大官供玉饌酒正捧椒觴仙醞葡萄艷瓊羞

芍藥香鹽梅熙帝載諸唱樂廣颺伐鼓雲霄上吹笙
日月傍九功追異代七德邁前王湛露浮鸚鵡崑崙山
叶鳳凰歌鐘天仗列萬舞彩旌揚上相陳魚藻詞臣
賦栢梁殿庭春渺渺晝日影蒼蒼既醉情何極承恩
意敢忘艱難思創業燕翼自靈長幽雅稱無逸嘉謨
奏未央虎賁方脫劔士女慶壺漿烽息軍前柳人歌
陌上桑昌期多瑞景令節驗豐穰 聖澤年年永新
膏沐萬方

長安燈市篇

天街薄暮香風起千門萬戶天如水桂魄氤氳雙闕
邊蘭膏照耀層樓裏層樓雙闕迴嗟哦夾道遊人夾

尺五堂詩刪

卷之五

第過彎笙風管黃金樓寶馬香車白玉珂鳴珂隊隊
青門路綺閣亭亭飛蓋度九微光燭翠翹粧百和香
飄紅黛霧乍看鼇山茜花爭誇蓬島珊瑚樹朱門
玉扉影重重繡戶珠圍風細細繡戶遙臨大道旁朱
門譙賞樂無方金罍夜泛葡萄艷綵幄春生玳瑁梁
雁柱鳴絃調錦瑟盤龍墮馬舞霓裳三千珠履多成
隊十八雲鬟列幾行此時調笑歡無極此時宛轉情
非一春燈歷歷亂春星春月遙遙動春色迷離春色
落誰家別館重樓月正斜火樹依然金谷障星橋還
似赤城霞星橋火樹盈南陌又逐笙歌往城北麗華
車上木難垂碧玉釵頭火齊飾相逢曲巷似相知相

望還嗔相見遲誰家繡幕鴛鴦被何處淩閨連理枝
可憐行樂情難歇可憐韶景紛如織年年游隊樂陽
春處處行歌踏新月去年來老歲華紅顏翠靨故
相誇綺筵今夕聞吹竹紫陌明朝見落花曉來拾翠
尋芳甸片片飛瓊人不見銀燭光消散綵雲玉簫聲
斷隨朝霞浮景流光日暗催春宵那許不銜杯江南
詞客誰相問獨立空階咏落梅

春日漫興

帝城雙闕隱芙蓉佳氣氤氳紫翠重三殿晴雲開玉
棟九霄清漏躍銅龍平臺柳細朝朝騎馬闔苑花淺夜
聽鐘聞道

尺五堂詩刪

卷之六

先皇迴輦處侍臣簪筆每從容

又

薊門風色柳初舒獨卧天涯賦索居碣石荒臺聞鼓
角盧溝夜月動丘墟將軍自獻樓船捷

聖主頻憂水旱書三輔至今還躍馬敢將生計問樵
漁

又

綠酒紅亭碧玉卮樂游原上日遲遲平明挾彈華陽
館向晚停鞭太乙祠花映舞衣嬌曲渚魚驚歌扇躍
清池長安盡道多佳麗不遣金門賦客知

又

翠微西望轉氤氲，千古蒼涼日暮雲。孤塚題詩悲賈島，荒祠過客泣劉蕡。漁陽鼓動千山色，易水風生萬馬羣。聞說黃金能好士，徘徊臺下草紛紛。

哭華鵝湖夫子

七載儒官重千秋，吾道悲高風敦薄。俗清譽滿當時作賦天，難問修文數自奇。行年齊郭泰，腸斷有遺碑。郭林宗卒年四十二

又

奏賦瀛臺日，追趨紫禁長。賜衣懷寵渥，宸翰有輝光。代識匡時器，人嗟大雅亡。從龍還列宿，端笏見先皇。

又

孝友推鄉曲，天懷見苦辛。經年留薄俸，客邸養慈親。白髮還家日，青燈獨夜人。最憐揮手處，長別潞河濱。
又 易黃夕指兩世兄相蜀日當以嘉言懿行勉之餘非所望也預爲寃夢計手出一圖曰此予榮落歸根所也

春日有懷

垂垂楊柳玉河東，羈跡閑曹思不窮。芳草夢回高枕外，落花春盡馬蹄中。南湖載酒雙吟管，西塞看山一釣筒。漫道長安客大隱，開襟何日故人同。

同人約遊葑臺不果

紅亭十里繫青鸞，紫陌千門度彩虹。獨有江南詞賦客，曉窗空對落花風。

聞笛

吹笛高樓夜風飄，送客亭中聽不得。况復柳條青，移寓東李貞孟衛爾錫雨同年。

爲愛晨鐘響，來依蕭寺鄰。但清今夕夢，長慰客中身。地僻春歸樹，庭空月近人。招尋多勝侶，高咏樂天真。

東華門迎駕恭賦

春樹遼寧微宸遊，翠輦歸羽林。環風吹馳道，接龍旂。劍佩千官肅，風雲萬騎飛。不須懷諫獵。

天子本垂衣

對菊

故園鄉信杳，時序復黃花。不是悲秋者，偏同處士家。寒霜催晚節，孤客老年華。騎馬城西路，清尊爲爾賒。

粒園雅集呈栢鄉夫子

良夜一尊酒，寸心千載期。素琴彈古調，白雪譜新詞。大雅當時重，深情醉後知。曲終宵漏永，車馬故遲遲。

題栢鄉夫子粒園

竹檻花欄數畝居，片雲亭上月初舒。鳥啼盡日無人到，一曲清商萬卷書。

大婚賜綴綰恭紀和恭松友前輩韻

周南歌雅化 聖澤下彤墀幸際垂裳日空慚補衮
詩 君恩隆東帛民力念新絲欲寄高堂祝微躬敢
自私 是月值家 母誕辰

高麗國使朝見侍班恭紀

天門曉闕彤雲翔端圭執玉紛趨蹕六龍負日升明
堂車書八極遍窮荒海隅屬國天一方滄波萬里動
渺茫驪江鴨綠橫扶桑黃山白岳高相望其俗柔雅
喜文章寬袍束帶鬚眉蒼 聖朝懷遠風聲揚日邊
向化來梯航共隨鷁鷺列西廊嵩呼拜舞覲龍光天
馬海豹金筐筐白珠青玉何琅琅遠人貢享天路長
不貴異物明德將兩階千羽頌陶唐小臣獻賦金鑾

尺五堂詩刪

卷之一

旁願調玉燭照遐方千秋萬歲垂衣裳

送從弟南還

八月涼風起翠微天涯幾度送將歸纔逢令節思叢
桂又見征帆掛夕暉到日西陵楓葉老秋濃北地雁
行稀上林花發應相待挾策重看人帝畿

吳長庚同年自安南還 朝即歸里門歌以贈

別

男兒生不成名走萬里風塵偃蹇何爲爾吳郎磊落
氣莫當淋漓彩筆能文章富貴浮雲安足與立身要
使聲名揚與予少小稱同學十年獻賦功名薄辛丑
之春同計偕黃金臺上逢伯樂 長庚與予同里同
學又同舉鄉會 看

君簪筆登承明落落聲華冠帝京忽下天邊五色詔
仗節飄然萬里行日南象郡殊風俗天威浩蕩多臣
服駢駢四牡玉花驄旌旗照耀窮山谷蛟潭巨浪奔
若雷島城毒雲晝不開勾漏山頭石如削龍門江上
天欲摧古來勝槩幾人有伏波將軍江夏守賦筆今
標銅柱雲蠻重爭進椰子酒驅車往返報 九重螭
頭虎拜雨露濃中道忽聞悲罔極不遑將母傷胸臆
吁嗟乎丈夫忠孝難兩全何爲於邑呼蒼天河梁浩
浩塞雲白黃河千丈骨水折北風怒號鳴枯桑愁絕
金門達行客送君門外驪歌陳欲言不言多苦辛予
獨勞勞滯京塵故園楊柳秋復春

尺五堂詩刪

卷之一

歲暮偶書

兩年作客帝城隅酒盞詩筒興不孤何事文園歸計
早秋風不是憶尊鱸

又

旅館冰霜逼歲除故人書札問何如官貧莫道無長
物畱得 君思數卷書

乙巳除夕立春

白日下庭階浮颺變明晦忽忽歲云除撫時發清慨
庭樹感歲疑層雲悽發變物老奔景徂氣至流光代
榮枯有常期俯仰觀物態懷哉故園花悵矣芳蘭佩
條風轉晴波好鳥啼森蒼何當滌煩囂長肅青林外

丙午元日獨酌書懷

霽色散林阜和風蕩平楚旅館不知春開軒澹客與
展卷命濁醪焚香得妙理車馬何闌闕飛蓋滿城市
而我愜素心鴻飛慕遐舉故山亮非遙春江正瀾瀾
友人過飲寓齋譚畫溪山水之勝悵然有賦

畫靜壺觴永相逢話故鄉羣峰當戶落萬木繞溪長
野艇松雲合清厨笋蕨香春來有歸夢應在五湖旁
病中寄答魏竟甫先生

玉泉山上飛晴雪玉泉山下管水折客子蕭條吟苦
寒十日門前車馬絕忽報鴻書天半來開函讀罷清
風迴貽我吳綾寫新句白慚筆札非鄒枚憶昨樞衣

尺五堂詩刪

卷之十一

城外寺西山落日銜空翠恨無杖頭沽酒錢攜向亭
前問奇字驪歌一唱忽經年薊門楊柳吹寒烟岱嶽
之雲徂徠松對此日夕多名篇長安塵飛高十丈青
絲白馬紛來往官冷偏宜冰雪文病餘忽作烟霞想
人生意氣重知音知音一往情何淺我作短歌歌聲
發遙遙千里同明月

次韻酬柱峰第贈別

二月東風楊柳枝忽憐分手話南池同人盡有江淹
賦別路空攜謝眺詩花萼春來情更切布帆江上夢
相隨西陵到日憑雙鯉爲報高堂燕喜時

次韻答吳卧山贈別

花月曲江頭聯鑣思不休那堪二月柳獨上五湖舟
紅藥畱吟管金鞭待御溝還期共晨夕重與賦登樓

贈別李星巖同年兼寄同館諸子

李郎意氣傾胸臆送我迢迢潞河側握手河梁嘯暮
天一聲玉笛心惻惻同館諸君盡少年凌雲綵筆相
周旋揮鞭夜踏芙蓉月把袂朝吟鵲鵲烟伊余素心
冷晨夕高槐細柳晴雲白客舍同爲羈旅人掛帆忽
作天涯客回首金門天一方昨爲膠漆今參商紅亭
把袂春風急勸君加餐各努力君不見人生聚散如
轉蓬往來倏忽成西東又不見男兒窮達會有期風
塵躑躅空爾爲今夕對君酌君酒酒酣不惜傾大斗
明朝騎馬走京塵余亦悠悠行路人

尺五堂詩刪

卷之十二

假歸賦別栢鄉夫子

素心晨夕傍庭除咫尺城南半畝居舍病忽驚雙鬢
雪酬恩還讀十年書酒呼燕市歌驪夜花發河梁折
柳初不是投閒愛丘壑君門回首更躊躇

潞河偶感

客路三千里經行十二年關河仍襍被歲月老殘編
野戍寒笳動孤城落照懸春明一回首沽酒且陶然

河西晚眺

維舟古堞旁日沒長河岐曲哢耿疎林亂帆行樹杪
飄飄水際霞落落風前鳥遊子寡所營征途任昏曉

遐眺歷川原平沙烟未了

津門對月

伐鼓吹簫青翰舟迢迢津月迥含愁看雲夢繞江南
樹望關先搖薊北樓萬堞人烟春浩蕩千櫓燈火夜
沉浮重關此地多形勝幾向尊前憶舊遊

春雪行

二月河干春已半春寒浙瀝停荒岬昨夜狂風卷怒
濤黑雲沉沉壓河漢曉來飛雪高數尺赤脚蒼頭盡
愁歎千村萬落少居民十里絕烟爨高原累累
作平地雞犬無聲老狐竄君不見山西東去年荒旱
木稼空江以南室廬飄沒無丁男今年父老望丘壠

永五堂詩刪

卷之十一

春來荷耒布牛種大麥青青小麥長牽爺負子耕道
旁忽逢春雪連阡陌哀鴻嗷嗷鳴中澤安得玉琯迴
陽春漁陽麥秀行車輪

滄州道上

荒臺斜日渺晴波五壘城邊一放歌畫角風聲連渤
海片帆春色下滹沱宵來對酒黃雲斷天際懷人白
雁過悵望南皮多勝槩故園歸去未蹉跎

咏舟中雙鶴

閨苑凌雲翮雙栖傍客舟應憐江海性豈爲稻粱謀
毛羽真堪惜聲聞不可求飄飄天地內我亦羨沙鷗
懷舊吟寄贈歷亭諸故人

黃金之臺青雀舫天門射策推吾黨揚舲十月東河
水野岸狂風鳴蒼莽歷亭主人古賢豪相逢意氣凌
雲高別館長懸徐穉榻登堂欲贈呂虔刀殷勤日夕
開芳譙肝膽相傾無不美問字還同載酒亭抽毫漫
擬靈光殿青漆樓頭雙黛蛾喚來爲我揚清歌絳蠟
銅盤寒漏永金壺翠管朱顏酡伊時周旋多勝侶謝
家玉樹青雲舉折簡相邀話綺筵客舍天涯忘逆旅
春明獻賦走長安僕夫門外催征鞍人生良會不易
得臨歧握手空盤桓荏苒流光已六載長堤芳草年
年在極目河干不見君楊花作雪故紛紛明年早掛
征帆促重向西園剪華燭

尺五堂詩刪

卷之十四

晚次清淵

野寺臨官路春帆轉夕波鐘聲催落日堦影動長河
柳嘶魚舂集沙頭獵馬過棲棲倦遊者歸計問如何
清淵對雨作

我行薄齊郊方舟停淺汴高岬等陵谷河流日見底
野老話津梁經年無雨水輓輪百萬餘舳艫銜首尾
動聞官長憂經營竭心髓丁男困徭役何暇及耒耜
聞之生歎息低徊不能已好雨入夜來篙師相驚喜
攬衣坐清晨濕雲黯墟里安得灌百川滂沱徧汶涉
豈獨慰行役西疇樂耘耔

維舟

維舟驛亭下十日滯河干水淺平沙合星高大漠寒
懸燈千艘集吹角萬花殘倚徙愁無寐荒城獨夜看

舟阻喜雨

征途留滯日好雨忽相隨遠水蛟龍鬪長空霹靂垂
天心終浩蕩人事起瘡痍爲報山中侶歸耕正及時

上巳舟次懷館中諸同年

三月艷陽天垂楊覆客船人家寒食後驛路暖風前
雨色邛邛樹鶯啼處處烟听花歸夢繞汀草暮愁牽
修禊當年事懷人帝里偏玉堤晴把袂蘭汜晝停鞭
沽酒金魚佩題詩芳樹篇相逢貽芍藥別館見鞦韆
勝侶朝還暮良辰去復旋一從歌折柳每自感離絃

尺五堂詩刪

卷之一
十五

懷舊同潘岳登樓憶仲宣野塘迴乳燕故國漸啼鶯
容易春芳歇蒼涼夕照懸江南與江北客思總茫然

咏雉

亦有山梁性何爲近網羅飛鳴宜澤畔飲啄養天和
自識樊籠苦翻憎文采多避人終未得惆悵舊巖阿

憶戊戌春遇長庚子起於清澗同舟南下辛丑

春復同上長安今子超年兄已有宿草之感

舟行過此愴然有感

去住燕關近十年金門同此奏甘泉長堤別路還芳

草故國空山響杜鵑掛劍尚畱詞客賦向同長庚賦
軒劍室詩

炙雞今媿古人賢蒼涼往事成悲感回首荒城日暮

天

楊花篇

江南二三月垂楊千萬株楊花飛不盡歷亂繞城隅
城邊裊裊風烟起飛來飛去長千里朝榮乳燕度朱
樓暮逐遊絲落江水江水朱樓相映開長條漠漠故
低回翡翠簾前吹不去鴛鴦機上拂還來此時陌上
飛晴雪黏天芳草聞鶉鳩誰家寶騎絡青絲何處當
盧調錦瑟青絲錦瑟艷陽天片片花飛襯綺筵開簾
譜就新翻曲踏絮還來酒肆眠別有章臺臨別路少
婦樓頭春已暮孤鸞繡額夢還疑雙燕空梁愁欲度
愁看日暮柳條空遼水燕山路萬重晴沙幾度金微

尺五堂詩刪

卷之一
十六

月綺閣三春玉笛風春來已見楊花落明年柳絮還
飄泊落花飄絮損紅顏江草江雲空翠幕江頭春盡
幾人歸聞道黃榆未解圍東風吹遍江南路惟見楊
花日夜飛

舟中初度逢立夏

攜家客路正懸弧濁酒蘭皋醉玉壺東國題詩驚歲
序西堂有夢遠江湖鶯啼別岸春方盡花落鄉關興
未孤莫向天涯嗟老大綠楊雙艇待吾徒

初夏思家

四月吾鄉風日微江花江草淨朝暉人家雨過黃鸝
囀郭外沙明白鷺飛下若溪邊新蠟展南湖樹裏舊

漁磯尋山况復多同調爲報春恍正拂衣

又

郡郭參差曲徑斜陰陰夏木覆晴霞春來早釀烏程
酒客到還烹顧渚茶暇日一堂娛菽水和風四野長
桑麻鄉園樂事情何限不問青門五色瓜

聞周絨齋同年病假出都卻寄

一從歸院踏晴沙客舍秋風感歲華分袂已知君伏
枕子與絨齋同時卧病看山却早我還家時子舟五湖烟月人
相望三徑壺觴興不賒只恐清時閒未得肯教長對
故園花

掛劍臺

尺五堂詩刪

卷之十一

古人結交重生死今人結交貴口耳延陵高義空古
今一劍蒼茫照秋水劍去臺荒人代殊紛紛輕薄無
賢愚黃金綠酒誇意氣白衣蒼狗變須臾安得此劍
化爲千秋之白日長留天地寒光冽剖出如雲如雪
之心胸照人古道終不滅

夜聞鄰舟吹笛歌

長河夜靜天氣涼烏飛啞啞愁雲翔木蘭之楫橫沙
棠雙鬟翠蛾薄羅裳橫吹玉管揚清商悲風颯颯來
無方噉如空山叫鳳皇悽如孤雁鳴寒霜迴聲變調
神轉傷含愁欲訴凝睇長我亦聞之心徬徨人生離
別何無常春風折柳章臺旁江南渭北永相望安得

此翼雙鴛鴦金壺銀箭棲華堂今夕何夕推中腸明
星迢迢河無梁

五日書懷

令節滯他鄉驚看別路長葵花江上紫杏子故園黃
舊侶懷南國頻年夢北堂尊前有兒女且復醉蒲觴
阿城夜泊東阿爲曹植封地阿城山即子房遇黃石處

勢城山傍古齊丘過客停橈思未休詞賦每懷曹子
建登臨不見漢留侯荒原細柳聞吹角野岫飛花落
成樓最是月明尊酒夜蕭蕭風土使人愁

任城登太白樓歌

任州城高凌飛鳥上有層樓立縹緲我來乘輿訪高

尺五堂詩刪

卷之十一

蹤俯視青齊衆山小龜蒙奕奕環其東黃河如帶掛
長空日觀蓮華青可摘鴻濛氣與天門通昔聞山東
李太白光燄萬丈文章伯白眼悠悠困道傍金鑿之
寵復何益故人賀監樂豪遊相逢意氣傾滄洲酒杯
在手醒復醉解衣盤礴城西頭歎息何年歸碧落寥
寥千載悲黃鶴我欲乘風發浩歌長河白日生寒波
君不見秦宮漢殿多荒草浮雲世事空擾擾人間幾
見有丹丘餐霞何處尋三島不如痛飲任歌呼黃金
難買朱顏酡人生憂樂何時無嗚呼人生憂樂無時
無青蓮居士非狂夫

南池

六載重遊地孤亭獨眺時津梁橫夕照別館卧殘碑
渚曲波流細林湊月到遲菱荷香黯淡楊柳碧參差
詞客千秋重高風大雅思臨池重浣筆倚檻更題詩
坐聽滄浪曲來攜綠酒危川原渾似昔憑弔不勝悲
石墮羊公淚地疑丞相祠謂朱梅古牆空薜荔野水
泛鸕鷀蔓草荒城路清宵畫角吹狂歌杜陵老回首
益凄其

新月

客途行未半幾見月華新共此關山夜偏驚羈旅人
邨稀明戍火柳密暗江津極目南樓上清風起白蘋
月夜舟行

尺五堂詩刪

卷之一
十九

挂席中流望清光照客顏一尊涼近水孤棹夜看山
草濕聞蟲響沙明見鳥還吾生宜用晦歸夢幾時閒
南陽湖夕眺

漸入江南路空濛積水平山迴楊柳嘶雨歇蟬蛩聲
野艇浮烟白人家返照明應知舊遺逸谷口話溪畔
河上歎

仲春下津門六月抵河上遲回齊魯間偃仰愁羈况
前月苦旱魃赤雲千里障蕭條汶泗流涓涓絕咽吭
今來大河濱洪波忽震蕩狂風號大澤平地鼓飛浪
驟雨灌百川雲氣迷碇礪篙師畏戰慄僕夫寒擁襖
天道固無常翻覆安可量滄桑變俄頃炎涼多異狀

我生憑自然高卧隨所向展卷聊自適呼僮倒村釀
河怒險可平布帆庶無恙

過韓淮陰釣臺

悵望淮陰道城下有高臺淮流日浩蕩王孫去不同
王孫昔日持竿處逃草夜月搖津樹千年神武奠西
京百戰奇謀奪天器解衣推食念主恩相君之背豈
君意丈夫真王何假爲一言禍胎誠足悲乃知功成
不自休烏盡弓藏理亦宜君不見留侯辟穀辭萬戶
脫棄人間高千古河山帶礪幾滄桑至今憑弔悲風
苦

渡江

尺五堂詩刪

卷之一
二十

挂席大江流驚濤送客舟馬嘶京口夕帆落海門秋
歲月風塵苦關河戰伐愁哀時庾開府憑弔總悠悠
歸里作

遊子初入門俛仰多傍徨庭除列尊酒綵衣見高堂
長跼前致辭喜極心轉愴少小傷賤貧長復離親旁
官冷拙生計俸薄無酒漿三載勞親念遙遙滯帝鄉
詔許歸敝廬感涕辭明光親朋相慰問菽水以徜徉
琴書理舊篋竹木畱空廊閉門足高枕清風愛日長
車馬厭時態逢迎非所將願言保令名前溪咏滄浪
徐方虎過訪湖上次韻奉答

浪跡湖山日欣傳我友來燕關會把袂驚嶺此登臺

自愛歸田賦平生濁酒杯憐君不得意岐路莫相猜
又

吾黨多名士如君不可求雄文高北地意氣薄南州
十載清溪夢三冬羈旅愁還攜謝眺句中夜獨登樓

又

作客歲將暮開尊與未開竹窗宵度月梅嶺曉生寒
冰雪雙吟管江湖一釣竿來春風日好着履更盤桓

湖上訪桂

叢桂秋方好相攜到朝川樹連雲外閣香靜雨中天
漉酒看山與吹簫何處船西冷橋下路日暮更流連
關蕉鹿年伯招集見贈次韻奉酬

尺五堂詩刪

卷之十一

湖上投閒日秋堂夜話時百年同過客三徑好栖遲
逸興尊前發高情物外知良宵須盡醉潦倒見心期
又

對此高堂宴曉懷遊子心鳳毛梁苑客馬首汴河陰
鴻雁霜初下兼葭思不禁歸來同話舊秉燭更長吟

時惺度有中州之役

同人招遊湖南晚歸有作

泛艇湖南寺禪扉隱翠屏日銜山倒紫楓落水空青
獵馬歸樵徑沙陽立遠汀坐看幽絕處縹緲暮烟冥
贈傅巖使

白簡聲名舊青霄使節雄共瞻千仞鳳還避五花驄

月靜樓臺影霜清草木風知君時問俗攬轡意何窮
俞聲署同年歸自江右過訪湖上隨赴公車賦

此贈別

兩年京國夢多違我到家鄉君未歸南浦雲深高卧
穩西江木落片帆飛相逢客裏愁分袂話別中宵更
解衣此去金門須努力故人尊酒重依依

湖上觀荷

涼風初上木蘭舟灩澦湖光遶勝遊十里香生雙葉
動六橋雨過萬山秋絳房嬌倚迴青翰翠蓋低垂隱
白鷗忽聽採蓮歌思切烟波向晚不勝愁
中秋湖舫讌集

尺五堂詩刪

卷之十一

風日湖干好放船况逢佳節此流連寺邊叢桂香無
數雲裏雙峰晚更妍賦月謝莊秋興達觀濤枚乘彩
毫鮮憑欄不盡登臨意共道清輝勝往年

夏日漫興

作客三春過還家五月餘竟同叔夜懶不著茂陵書
獨鳥空庭下高蟬暮雨疎幸無車馬到吾愛野人廬
又

自別長安道鄉關已二年芙蓉雙闕遠楊柳五湖偏
天末涼風句山中桂樹篇故人勞問訊未敢賦歸田
又

高枕復何事經旬不出門愛閒常謝客得句一開尊